

SaKaste – Sämmilij sosiaal- já tiervâsvuodâpalvâlusâi

ovdedemrááhtus

SaKaste lii sämmilij sosiaal- já tiervâsvuodâpalvâlusâi ovdedemhaahâ, mii vuálgá joton sämikuávlust. Tot lii uási Tave-Suomâ maanġâsuárgásiih sosiaal- já tiervâsvuodâpalvâlusah (PaKaste 2) –haavâ, mon ruttâd STM haldâšem Sosiaal- já tiervâsvuodâhuolâttâs aalmuglâš ovdedemohjelm (KASTE). SaKaste -haavâ ulmen lii pyeredid sämmilij jieijâs kielân já kulttuurân vuáđuduvvee palvâlusâi finnim, kvaliteet sehe vaikuttemvuodâ, oovdedmáin sämmilij vuáđuvuoigâdvuodâi já oovtviärdásâšvuodâ olášume sehe uásâlâšvuodâ. Sämmilij táárbuin vyelgee palvâlusah ovdedeh sämmilâš ohtâġâsâi já siärvusij tiervâsvuodâ sehe pyereestvaijeem, kepideh helbâm já kezideh tiervâsvuodâiäruid.

SaKaste-haavâst ovdeduvvojeh já ruotâsmittojeh toimâmvyevih päikkitipšopaargon mii pargoo sämmilâšpuárásij kooskâst, läjjuduvoo já vâldoo kiävtun aanaar-, nuorttâ- já tavesämikielâlâš arâšoddâdem materiaalpaŋkki sehe lasettuvvoo sämikuávlus sosiaal- já tiervâsvuodâhuolâttâs pargojuávhu mäitim sämikielâst já kulttuurist. Haahâ pištá 31.10.2013 räi.

Haahân väljejuvoo koordinaattor, mii sajoiditto Tave-Suomâ sosiaalsyergi mäitimkuávdáá (Poske) sämiohtâdâhân, sämitige ohtâvuotân. Ko haahâ olášuvá, lii tot čovġâ oovtâstpargoost sämikuávlus kieldâiguin. Jyehi kieldâ västid sämmilij sosiaal- já tiervâsvuodâpalvâlusâi oovdedmist, orniimáin pargeidis máhdulâšvuodâ uásalistid škovlimtilâlâšvuodâid, pargoseminaarâid já ovdedemtiimij toimâid.

Hahâkoordinaattor västid haavâ olášutmist já puáđusijn. Lasseen sun västid ekonomia čuávumist já raportistmist sehe loppâraapoort ráhtimist. Hahâkoordinaattor toimâsaje lii sämitige čäällimkoddeest Aanaar markkânist. Toimâkuávlun láá sämikuávlus kieldah. Haahân nomâttuvvoo stivrimjuávkku, já äššitobdeetiimin tuáimih sämitige sosiaal- já tiervâsvuodâčällee sehe Poske sämiohtâdus vuávájeijee.

Sämmilij palvâlusâi oovdedmist pargoo oovtâstpargo Poske PaKaste 2 –havvâin já sämiservijguin kulttuurherkis äššigâšpargo- já juávkkupargovovij oovdedmist. Haavâst lii viggâmuš meid kevttid ävkkijn Taažâ já Ruotâ sämikuávluin porgum tutkâm- já ovdedemtoimâ sehe Tiänuleve sosiaal- já tiervâsvuodâpalvâlusâi ovdedemhaavâ vuáttámušâid raajijd rastaldittee palvâlusooovtâstpargoost já -vuovijn. Lasseen lii juurdâ porgâđ oppâlâjâdâsoovtâstpargo oppâlâjâdâsâiguin, moh fäälâh sämikielâlâš- já kulttuur máttááttâs sosiaal- já tiervâsvuodâhuolâttâs pargojuávhu škovliimân.

Lasetiäđuid adelává sosiaal- já tiervâsvuodâčällee Pia Ruotsala, 040 - 7262688 já vs. vuávájeijee Lydia Heikkilä 040 – 743 23 93.